

福建續志卷八十七

藝文十二

賦

紅芭蕉賦

唐韓偓

瞥見紅蕉魂隨魄消陰火與朱華共映神霞將日脚  
相燒謝家之麗句難窮多烘繭紙洛浦之下裳頻換  
剩染鮫綃鶴頂儘伴雞冠詎擬蘭浥露以殊忝楓經  
霜而莫比趙飛燕裊間一點願同白玉唾壺鄧夫人  
額上微痕却賴水精如意森森巉巉脉脉亭亭舊玉  
之磋來若指彤雲之剪出如屏鶯舌無端妬含桃而

福建續志

卷八十七

藝文十二

未咽猩唇易染黼浮蟻以難醒在物無雙於情可溺  
橫波接紅臉之豔含貝發朱唇之色僧虔密炬爍桂  
棟以難藏潘岳金釵蔽繡幃而不隔大凡人之麗者  
必動物物之尤者必移人不言而信其速如神所以  
月彩下蟪珠之水梅酸生鶴唳之津寧關巧運自合  
天真有景先知無聲已認體疎而意密跡遠而情親  
天穿地巧幾人語絕色難逢萬古千秋惟我睠紅英  
不盡

登郭巖賦

明謝丰

歲次淵獻月旅夷則鶉星方昏金鷲鼓發余服薜荔



兮冠蘭荃狹六幕兮闕九閔爰發黃華追攀郭巖  
其遠望龍從突兀鎗猗猗太行薄其易椽樂莫之  
追妃閨風兮辟截駕邠連兮岐嶷端居西席而弟子  
爲之森列嚮明南面而萬國爲之綴旒或三巖以象  
極或九疑以擬疇燠五行其峯峇羅八卦以綢繆翠  
微旣入曲嶺連蜷勢蹇產以回護復隄絕而高縣走  
蛟蚪於萬仞刺霄漢於平原是爲十八之盤厥腰白  
石齒齒七巖疊樹樓閣以繒綾硯問何而固結捫  
藤蘿以爲梯翫雲煙其足躡已疲窸窳望泱莽吐奇  
癖拜嶂岬是爲天湖之陽紅泉漱以滴瀝紫霞纂而

福建續志

卷八十七

藝文十二  
二

飄揚亂雲聯乎斷縞時瀑散乎瓊漿金仙鬱律玉眞  
輝煌紫微卜宿黃道狂狎摘玉繩以提挈攬雲漢而  
文章元兔鷓焉西返乎月髓丹景昱爾吐白於東桑  
厥上太元之峰璀璨峴蔚葱翠之文集焉仙子之洞  
梁穆窳窳靈怪之氣積焉丹井浮煙瑤碁橫石苔蘚  
苞雲冰霜凝日銅乳溢乎神臯金膏播於縣壁喬木  
所聚歛歛葳蕤參旗舞寒風以夢藪九旒插青藻而  
光輝可以共兵車之軸軾可以備明堂之棟梁可以  
盥蒼生之庇蔭可以格祥鳳之雛階厥下淵淵乎天  
塹之谷閭閻乎九閔之境旭奔亡鄂摩窳巧老蓋不



知其幾千萬尋也是爲虎瞰之井中有青苓紫鞠金  
光鵝蘂瑤草靈芝雲牙石髓羨門資之以修齡松喬  
采焉而自遂迺若異獸奇羽戢香蟬聯金馬碧雞往  
往而見鼎俎足充宗廟可薦玉筋金盤野人不能無  
思獻之念也由是旣跨窮椒思勒皇鼎洞覽鸛鯨之  
燭茅黍下際列缺上轟倒景一眺亡垠萬彙咸炳明  
晦互分陰陽圖畫足以驗時序之榮凋觀天地之變  
化諒哉神靈所宅攬九州而交會險阻所樹並五嶽  
以馳駕者也余將鞭茅龍兮狝閭闔乘青鸞兮謁天  
孫弔梅真以鳳舉訊岐叟之鴻軒滄渾元以完氣飲

福建續志

卷八十七

藝文十二

三

沉澹而長生起愚公以履巖假章亥而馳驅移茲山  
於西北拱屏翰於徼隅爲三邊之犄角表六鎮之輔  
車壯顛頊之幾輔雄燕冀之鉅都河套由斯以控扼  
龍堆以是而藩籬南有光乎銅柱北以表乎玉關六  
符攫狼狐而順景二儀奠高下以貞觀諒山靈其不  
爽孕神秀於多端維申伯其嶽降孰斯美之能完於  
是乎昭之以明德奏之以清音薦之以潢汙之水羞  
之以澗溪之蘋雜靈正直厥德不回風伯鼓南箕以  
先路玄冥潤西畢而埽埃恍蜺旌之徙倚忽翠蓋其  
徘徊起姑射於元圃接廣成於瑤臺衣霞鮫而雲綺



氣陰闔以陽開於平郭巖亦神矣哉於是乃爲詩以頌之詩曰嶢嶢郭巖受命於天盤土突立爲民之瞻都邑以鎮星斗以躔袞補五石霖沛九川厥氣維揚人文丕宣厥功維崇載德罔愆於鑠靈耿曄曄承乾

### 龜山賦

明陳喆

龍湖之陰有層崖千疊崢嶸乎如彌天之陵者曰天上岡襟萬壑而逶迤帶千林而彷徨彌蓮峰而顧復孫鍊嶺而磅礴連阿霧擁疊嶂雲翔爰有一阜若蹲若聳或低或昂我儀圖之儼一靈龜突踞於大山之旁蒼巖褶以爲衣卉曾被以爲裳石嶙峋以爲甲樹

### 福建續志

### 卷八十七

藝文十二

四

縱橫以爲章于嗟活兮其儀不忒雖非六眸靈螭是忒位衣蜿蜿鼠鼯龜鼈就而睨之頭昂足踞是云龜山一田叟策杖而來曰此山也是宋儒產於斯因取以爲號者也粵白麟吐玉書泰山巍巍濂洛關閩岱宗衍支吾道南矣嵯而矗而賢人之生千幾百年突兀於斯嗚乎名山三百支山三千彼龜山者遞而蜿蜓李羅朱蔡胡劉之倫往往融結而爲山川維昔楊游同立雪深三尺豈伊及門亦旣入室高山萬仞咫尺宮牆巖巖業業龜山之鄉睇靈蔡而羨異幸無怪測蠡之與亡羊于是裴徊未去日遲神留念鴻儒於



碩學遡顏朋於冉儔或因裔以遡統或探原而叩流  
慨高山而仰止悵古今之遺邱幸萬古之不夜闢堂  
構於南陬昔金人且有問曰先生其在否豈生長於  
東南不責沈以何尤于是歌曰龍湖湯湯瀏澗澆潑  
龜峰層翠如蓮吐萼海濱而鄒魯非茲而孰啓爾宇  
鄒魯而海濱非茲而孰覓厥津扶風絳帳西蜀元亭  
曷如堂庶春秋薦馨歲五百之前兮爾挺嶙峋歲五  
百之後兮孰紹門闥

九曲權遊賦

國朝 何 瀚

均此玩遊逸士與齊民異當事又與逸士異匪有所

福建續志

卷八十七

藝文十一

五

矯揉其得趣繫懷各迥然不相侔也齊民逐逐所求  
目雖寓而心不留逸士嘯傲煙霞懸巖撒手飄飄乎  
與猿鹿爲儔膺民社之寄者朝乾夕惕弗肯暇休詎  
區區探竒問幽視天地若蜉蝣恭逢憲臺史公巡行  
崇屬士民兩沐照臨茲觀風下邑以九曲權遊命題  
作賦竊思樂山樂水固仁智之性情然仰止溯洄無  
非軫念士民當必有意在象外情生景中者夫豈愛  
竹筏浮輕夫豈耽丹碧絕塵夫豈慕虹橋大姥控鶴  
仙真夫豈羨龍脊雞胸之險怪石函蛻骨之神靈夫  
豈欲重譜賓雲之合曲再聆鐵笛之遺聲學校師生



安敢守佔畢陋習撫拾膚廓率爾而敷陳彼夫桃源  
避秦其洞中田廬井竈與世宙靡有逕庭何漁父一  
出而遂爾迷津蓋作記者深有感於苛政澄清風恬  
俗寧桑麻無擾雞犬不驚此樂郊樂土非人世間所  
得數數而追尋今武夷誌載亦肇於秦朱子亦以爲  
昔人避世之處而溪山景物千百載如新覺桃源恍  
惚殊屬不經且鼓擢來遊者又適際昇平和風甘露  
祥雲景星巖苗瑞草潭遊錦鱗冬笋春茗挈榼攜餅  
叩缶彈箏鼓瑟吹笙尤平世極盛之休徵而桃源又  
比儗之非倫第誌載幔亭嘉宴將停特命歌師奏人

福建續志

卷八十七

藝文十二

六

間可哀之曲雖荒唐無足據憑亦可見興盡悲來樂  
不可淫人世間不可以治安而忘惺惺也然則權遊  
於此者能無豫思所以保泰而持盈乎然其保泰持  
盈亦不外將九曲中世俗所傳仙家景物詳爲推拓  
而經營聞之仙人辟穀何以猶資倉廩儲蓄可知生  
厚民育擊壤歌衢由於含哺鼓腹擢遊者務期禾同  
頽麥兩岐庶幾膏流而澤沃聞之仙人羽衣何以亦  
有仙機可知桑無附枝蠶有餘絲蒔麻種苧績紡咸  
其權遊者務期昔無襦今五袴庶幾絃誦而謳思又  
聞之孔子天之木鐸朱子孔子之木鐸朱子集關閩



濂洛卜築書院於五曲皆躬自相度此乃袞黻之淵  
嶽豈可視同緇羽之邱壑今乃修數椽於榛莽春秋  
多簡省致祀氣象蕭索典禮寂寞權遊於此者能無  
重念斯文大加振作其訪仁智堂隱求室止宿寮觀  
善齋寒栖館諸故址次第興復書院聚師徒講學春  
秋二祀遣教官率文行優生釋菜修舉尊賢禮樂庶  
幾別於諸祠不至仍舊因循而忽略此右文造士攸  
關他年亦足以垂盛事鴻名於講幄又聞之九曲有  
茶園茶洞邇來開墾栽種環山前後無寸土閒空適  
當青黃不接之時外方來采茶者萬餘接踵山邑將

福建續志

卷八十七

藝文十二

七

來何以廣儲積足供傳食之衆兼以寧化土人布滿  
溪峒風習傳染漸已喜健訟尚爭鬪茶爲利之藪今  
爲害之叢將何以安集而無恐爾乃靈巖一線天曾  
爲跋扈立寨於其巔遺鏃折戟猶間出耕田近者余  
盜不軌案經數年山陬疊嶂叢菁未可恃太平而忘  
綢繆於未雨之前所有名山邑治中城垣不可不修  
築完堅塘汛不可不防守常穿蛋民流徙久踞茲害  
不可不徹底押回原籍絕引線而斷蔓延此皆權遊  
九曲者所當停篙而爽然至於觀仙人鑄錢巖知泉  
布流通世宙間點金人亦難脫俗而超凡觀仙人試



劍石而知斬蛟亦降龍之作用其消息可以微叅若  
人仙船有七虹板如櫛釣竿可拾若無神力焉能歷  
數千年雨雪風日而不知妙合真精垂象呈形危之  
有杵臼胃之有廩困釣鈐在房礪石在鼻溷廁之在  
奎參夫豈有安排布置懸繫至今此又權遊者靜觀  
得意不必泥色相而沉吟夫行樂景運務緬懷古訓  
古者梧桐矢歌舞雩善問茲承權遊采風愧無溯從  
素蘊仰測高深詎厭淺近爰獻名山之芻言敢附後  
塵之芳韻

臺灣賦

國朝 林謙光

福建續志

卷八十七

藝文十二 八

有汗漫公子足騁八方目驚九鄙訪秦漢之故都登  
雲亭之舊峙舒神於錢來丹穴之顛長嘯於渾夕脫  
扈之址洞庭彭蠡拍驚浪以飈飛弱水龍門鼓輕舸  
而容與歷吳越詡甲第之連雲入鄒魯羨絃歌之盈  
耳闐闐誼雜舉踵則觸乎輪轅都市紛華摩肩則炫  
乎羅綺自以爲穆王策駿之遊茂有尚於此儼然恃  
所覲而述於廊宇先生先生方暴背鴻濛吸飲滄漠  
聆而哂之謂是尠丈夫也曰子亦曾曠爾矚遠爾盱  
而知今

皇帝之輿圖乎制萬國以侯尉垂一統於車書人無



敢私其尺土俗無不拱乎辰居奠神州而晏若厝六合而恬如暢餘威於殊俗沛異澤於遐區卽跳梁以據險終痛悔其負嵎走也慶流波之旣靜得專爲吾子頌臺灣之盛軌而勿違及乎其餘懿夫滄浮溟渤洸瀆潰沚掀天震地吞谷排空駛如奔馬激如騰龍瀉碧千里湧浪萬重神鯨驅瀑石燕呼風颼颼颼颼飄飄飄飄擬蓬瀛之難卽匪舩艘之可通爾乃以忠信爲舟以道德爲櫓爰縱纜於銅山泛一葉於厦浦飛廉戒途屏翳先路巨浸迴瀾狂濤息怒游泳虎井之灣深洞牛心之澗望內壑而揚舲指西巽而繫組

福建續志

卷八十七

藝文十二

九

旣憇足於澎湖復放櫂於深渚程僅歷于六更里倏越乎五百少焉神山突出沃野孤浮景呈異狀沙截洪流一崑連七崑而蜿蜒南崑偕北崑而阻修大線扼海翁之堀北線接安平之洲衝鹿耳以抵岸陔臺灣而遠搜於是大岡小岡嶢峴鬼崔半崩半屏巉嶮崑嶸鳳巒插漢以嶽嶽龜山負地而磅礴翠織觀音之峰丹銷赤崖之壑聳打狗於平坡峙買猪於廣漠木岡凹底形若聯翩阿里雞籠勢相犄角玉笋璀璨則漾素影於波濤金鑛嶙峋則仗雷聲爲管籥計自南而訖自北繞以二十二重之溪由此界而溯彼疆



隔以六千餘里之谷升高而眺循俗而詢厥地惟鹵  
厥土惟墳厥田惟上厥種惟糜厥草惟茂厥木惟困  
厥珍惟錯厥布惟芬厥鳥惟毳厥獸惟羣飛潛動植  
長盛紛紜嘉茲壤之沃饒矧溫風之時至犬吠雪以  
爲常龍興雲而不暄卻溽暑於竹柳掃嵐烟於蘿薜  
刺桐飄經歲之絳霞菡萏迎四季之夏氣歷選勝於  
炎方允莫京於海澨則有文身畚族黑齒裔蠻爛滿  
頭之花草拖塞耳之木環披短衣而抽籐作帶蒙鳥  
羽而編貝爲繫欣中國異人之戾止乃跳石越澗以  
來觀饋波羅之清冽獻嘉棧之甘酸蕉子剝來幾等

木桃之贈黃梨摘露不殊葵藿之繁翹首瞻依幸彼  
俗之未陋跂足蠕動樂大化之可頌又有蓬跣方除  
膠庠初隸載酒問竒負經請諦吟誦半雜於博勞衣  
冠尚存其椎髻拱手於都講之庭側身於敷教之地  
斯時也名邦上客暫停轡軒廣布文德宏宣湛恩數  
討叛之故開並生之門示傲慢以秋肅導頑梗以春  
溫譬木鐸之徇路若指南之啓昏從此蜃氣晴嘘結  
陸離之樓閣鮫人晝卧展錦繡之乾坤謂非禹服重  
新涵侯甸要荒於一體堯仁遐被輯躬桓蒲穀以稱  
尊也哉汗漫公子伏而聽焉茫乎喪於懷來曰不觀



滄海者誇溝壑之宏不覩王會者詫都邑之鉅鄙人  
乃知今

皇帝之輿圖未易以蠡測也請爲歌以比於雅頌之  
末爰起而系曰有土綿綿有水漣漣今在絕島吐霧  
吹烟

帝赫厥怒淵淵闔闔旣昭義問乃命旬宣崇儒重道  
勿棄蒙顛匪棘其欲式廓厥埏

皇以泣之於萬斯年

鰲峰書院賦

國朝 鄭文炳

際景運之方隆快聖學之復崇天篤生平名世以大

福建續志

卷八十七

藝文十二  
十一

道而爲公撫九閩之黎庶旣人和而政通得昔人之  
遺址建書舍於鰲峰捐清俸之所餘鳴馨鼓而召工  
民熙熙而子來樂趨事以赴功不逾時而告竣恍周  
室之辟雍若夫良工巨匠規圓矩方運斤孔利聖盡  
不傷百堵皆作旣固且長無殊公輸之巧詎遜工倕  
之臧爾乃逡巡數仞儼然見舜於牆望門進步恍覩  
百官皇皇循其級兮知躡等之徒慌升其堂兮覺造  
詣之輝光入其室兮悟精微之難量登其樓兮見萬  
象之無疆庭草不除兮樂生意之彰彰池魚活潑兮  
證道體之洋洋山川環繞於左右卉木挺秀而向陽



允爲藏修之地洵哉游息之場况夫俊乂雲集齊濟  
冠裳晦明切劑日就月將旣搜昔聖之遺篋亦討前  
賢之縹緗尊周程而慕朱邵屏佛老而黜管商相期  
以希聖之事業豈直爲逢世之文章在昔鹿洞興於  
有宋考亭起而爲師勉四方之學者時矻矻而孜孜  
或讀書而習禮或考樂而誦詩彼英才之蔚起端有  
賴于先知紹往哲之絕業幸正學兮在茲仰大賢之  
芳躅期化雨兮及時愧駕駘之鈍質敢自列於黃驪  
人一能兮我則百縱下愚兮亦可移竭吾才以相赴  
彼顏氏兮豈余欺倘獲聞乎大道庶賦畀兮無所虧

福建續志

卷八十七

藝文十二

十一

旗鼓山賦

國朝張文冕

旗鼓二山閩之鎮山也越都枕屏峰而跨大江  
烏石九仙華表豎馬外則五虎羅布滄溟濼洞  
西有層巒棟漢蜿蜒數十里演漾歌創其狀如  
旗巡城而東復有巨巔平員聳峙風雨時至海  
潮擊穴儼然鞞鼓之聲昔人所謂全閩二絕者  
是也爰摘支辭作旗鼓山賦

鍾英山左開府天南區分牛宿地接蠻番城逶迤而  
千雉山突兀而百蠻旂峨峨以右轉鼓巍巍而左蟠  
聳碧霄以競秀俯滄海之巨觀乃瞻西嶂踪跡名川



碎霞挺艷綠艾生妍探勾漏於洞前噴壽烟而迷路  
覓仙人於石畔謁紫府而朝位踐滑石於莓苔瀑水  
飛珠而界道陟峭嶠之荒莽接潮漱玉而參天或離  
或合若斷若聯虹橋咫尺懸磴絕冥瞰巨象於長溪  
恣目窺朗變幻異形也爾其惠風和春草濛碧雲迷  
樹翠岫排空恍青旄之乍展繪東宿之青龍迺若朝  
陽晞曉烟歇霜葉凝丹朱霞耀矐恍赤幟之飛揚繪  
南離之朱雀又若擁白雲迎素月改綠峯爲粉黛條  
流風而迴雪依稀乎白虎之雄旌建西方之旄鉞又  
若烏乍翳雨欲來靄埴埴而將晦霧冥冥而未開彷彿

福建續志

卷八十七

藝文十二

三

佛乎北方之征旆耀真武於三台樹停停而森羅列  
千軍之步伍波沟沟而上下鳴萬騎之奔蹕未開細  
柳之營何事征幟之遐舉不聞刁斗之警但見行旆  
之迴旋斯奠帶礪於一方供勝遊之耳目者也幽賞  
未已逸興遄飛漸行漸遠鬱鬱蒼蒼波濤歛蕩石鼓  
懸空岑欹傾而礧礧風振動而逢逢浪錚錚以戛擊  
松落落而蒙龍珠燈閃爍古刹嵯峨泉名羅漢洞號  
達摩射一心之聖箭集千古之禪和龍泉隨烹蟹眼  
舌不讓松蘿丹竈已灰雲洞常封而乍啓仙妃未  
鏡高懸而不磨迺登芳巖遙望海潮微茫螺髻



松檜向榮感石上之忘歸眄天門於萬仞羨潭中之  
映月俯龍脊於千尋觀止哉浴鳳池中翩翩其羽威  
鼇橋上寂寂無聲插漢之虬龍天矯渡江之獅象崢  
嶸斯豎東南之保障絕崙菌而據坤靈者也乃爲之  
歌曰東山風兮西山雲音闐闐兮旆濛濛南向百城  
兮長江萬里蛟與螭兮莫測其中又爲之歌曰西山  
風兮東山雨颺天旗兮籠暮鼓俯滄溟兮波不揚天  
咫尺兮時予之所

海吼賦

張湄

環臺皆海也自夏徂秋颶風屢作驚濤溢涌雷

福建續志

卷八十七

藝文十二

古

响電焯擊於鯤身厥聲迴薄遠近相聞莫不錯  
愕主人索居海濱形隻影寡潦積庭閒雨昏燭  
地起坐聽之晝夜不舍悄然罔然若置身壙垠  
之野有難乎爲懷者乃作海吼之賦其辭曰

繫天風之欲怒作地氣以先聲通呼吸而互應混上  
下而相成斜景黯其晝伏斷虹艷以宵橫帆檣集島  
沙磧凌城鯨甲振厲鵬翼長征風搏九萬兮扶搖直  
上水激三千兮不平則鳴爾乃熱蒸絺葛潤逼柱礎  
海若頻驚石尤頓阻獰颯颯以迴涼恠雨淫淫而  
去暑蕭梢林木聳萬壑之秋聲破碎虛空競千村之



社鼓其爲壯也較鞀四起蕩瀟八垠冰崖崩裂鐵騎  
羣奔捩金鏞於山谷擺雷礮於乾坤其爲駭也雷鼉  
馭逐鼉負連屯天吳奮以叫號魍像詭以遊巡鬪饒  
蛟而水立哮虺虎而林昏於是經旬陰曠徹夜喧歷  
淵宮久闕貝闕沉埋飛滂霧積峻湍山頽嗟樓船之  
屑沒絕商旅之往來森森龍津浮萍蹤其何託啾啾  
鬼哭出魚腹而興哀則有域外孤臣天涯羈客長簞  
淒其短檠蕭索枕繞瀑雷牕縈濤雪悵落葉於始波  
感吟蟲於將夕愁泛宅之杳茫憶弄潮之夙昔徒撫  
影而徘徊或隨聲而嘯喑爲之歌曰風浙瀝兮動羅  
幃雨淋漓兮暑氣微長鯨吼兮水四圍夢魂驚兮不  
可歸望無極兮音塵稀指故園兮孤雲飛

詩五古

福建續志

卷八十七

藝文十二

五

紫雲洞

宋林希逸

羣峰際東海一峰凌紫雲昔人煉丹處石室莓苔紋  
飄飄龍虎車卽此上丹闕唯留白鶴影宛在青松月  
下有靜者廬其人頗淳龐一水落天鏡萬化明石窓  
藥石有時暇還來叩巖關心與魚鳥樂身隨天地閒  
伊予困流落十載未應還長謫賦招隱夢遶天涯山

石巢

明劉琅



斗室褰蒼螺當面劈大古不知百代後尚遺五丁斧  
絕壁攪虬蚪烟嵐競吞吐關關出谷禽簌簌林中雨  
澗石走飛湍茶香汰塵腑平生愛竒緣登臨發哀楚  
巖嶺扼獅拳懸巖豁黿目嶽崎出鳥道磔礮駕天屋  
喬木嵌雲根古篆引苔綠龍氣勃寒潮坐久怵肥角  
似有鬼神向更無魑魅伏好風時一過林花芬可掬  
爲問空生氏此意良在夙

巽峰迎旭

明趙良生

步上城東門曠懷騁遐矚遙望釣魚峰晴霞映朝旭  
天宇何澄鮮山容淨如沐村樹碧參差徑花紅樸檉  
福建續志

卷八十七

藝文十二

六

此中倘結廬期來課耕讀

鼓山寺

明何喬新

閩鄉多靈山茲峰特蒼峭况聞紫陽翁石壁遺墨妙  
英僚適休暇駕言事臨眺行行造禪扉林壑覺幽悄  
窮蒐意未已不憚披蓬藿共躋崖際亭稍憇道傍廟  
度澗聆淙琤尋巖穿窳窳捫蘿陟崇巔超然出雲表  
俯瞰孤隼翔遠觀巨鼇掉三陟亦云疲班荆發清嘯  
賢主且壺觴欣然爲飲酬鮮飈撼長松恍如奏清調  
笑談情正洽暮色生遠嶠登覽慚未周匆匆促歸轎  
昔賢有高躅願言共追紹何當結精廬庶矣窮幻渺



紫金晴雪

明 徐拱辰

氣勢何崢嶸衆皴獻丹碧朶朶金芙蓉玉井何年植  
上有仙人居明滅望無極匪惟世人傳猶有古時迹  
元冬雪初霽一望瓊瑤積寒光與晴暉遥遥相盪射  
居人占豐年此瑞良可惜

夜渡馬江詩

明 謝肇淛

新寧過不遠大江若天劃盈盈百餘里待潮復待汐  
孤舟出海門豁然乾坤白石馬不可見浪花三千尺  
時聞欸乃歌中流汎空碧晨雞喔喔鳴依稀辨城陌  
風波愁人心安能久爲客

福建續志

卷八十七

藝文十二

七

遊東山詩

明 林世吉

鴻響氣已肅鳥歸景云竟敞席矚迴溪寧林綠曲徑  
巖屯雲氣深石翳霜華淨梧冷葉微脫篁孤籜猶迸  
溜溜谷飈發亭亭溪月映幽探展極娛周覽愜遐興  
奇勝不可忘濡翰著新咏

隣霄臺詩

明 僧惠顛

平臺屹峰巔去天不盈尺雲來隱巉巖雲散露形迹  
長笑觀大荒塵襟盡冰釋不知身世遠但覺乾坤窄  
一勺滄溟浮萬家烟樹隔解衣恣磅礴謝我山水癖  
極目送斜暉遥遥海天碧



中秋後一日楊允大進士招集道山對月

國朝 葉矯然

雲闕仍圓夜秋江正晚潮此時詞苑客把酒道山椒  
燈火西東塔帆檣大小橋蓮花青窈窕鼉背影扶搖  
門啓珠光燦樓空虎氣驕晶晶滄海鏡灼灼赤城標  
北斗橫清漢繁星沒絳霄暗飛低熠燿虛影度蠨蛸  
涼露高梧下香風叢桂飄時聞簷簾吹那聽鳳凰簫  
希逸詎能賦楊雄漫見招慚無竒字薦明月爲誰嬌  
游古田極樂寺和宋邑令李堪韻

葉矯然

福建續志

卷八十七

藝文十二

六

童林鮮樵蘇炎景灼西岫緬睇古招提鳥道白雲秀  
金鋪薜荔光珠傾菡萏漏龍象野馬侵虞業蒲牢舊  
稽首兩足尊瓣香聊一扣山禽挾于飛池水通川溜  
菀菀弱柳眠嫋嫋遊絲裊清虛靜可悅紛華詎能鬪  
花散座上蓮烟吐爐中獸龕藏維摩病壁向瞿曇瘦  
茂宰宋之傑琳瑯稱宿構令德與高言時祝畏壘壽  
俎豆依桐鄉精魂託靈鷲而今一再賡黃鳥啼清晝  
天游觀萬峰亭

國朝 朱彝尊

大山相排連小山補其闕羣峰罕異向危亭乃孤揭  
適當地做閒不在勢突兀虛明徹戶牖豁達埽烟焯



盪空激颺輪照夜湧日軌有時露著巾忽焉雲觸鬣  
憑欄恣眺聽靈境信超越儼同喬嶽尊遠邇盡朝謁  
紛紛揚旌壇穆穆秉圭笏又疑三海圖神物互出沒  
足或蹶夔臆背或負蛩螿前平訝象耕後陷類狐搢  
隱屏翕而張接筍斷不履長松偃薺菜細竹披苗髮  
溪流乍隱見祠屋半彫歇歸然此獨存坐久興逾發  
雖云冠山椒何異在巖窟石房一道士清癯老鶴骨  
延我崎嶇邱靜埽苔徑滑苔無青精飯力爲煮葵蕨  
高田歲未荒四月草先墜分種及胡麻安碓響深樾  
相對生隱心欲歸恨倉卒何當裹餼糧留住一百月

福建續志

卷八十七

藝文十二

七

鳴水巖詩

國朝 潘 耒

鼓山厚而藏茲巖特呈巧山骨露無餘削成類天造  
兩崖劃崇墉一澗鑿深沼石竒天卓笏水古龍垂爪  
靈境開鴻濛殊庭割昏曉仄徑循懸崖下闕絕壑宵  
清泉吐龍頭餘潤滋苔草廣亭可盤桓炎威失如掃  
攀蘿過石門道窮出雲表落日照江洲毫末皆可了  
此地信名區來遊古不少題名石如林爵系半可考  
筆蹤儼猶新其人骨已槁未知天地間何物差難老  
百年駒隙中學道苦不早曠觀發遐思興言勗同抱

白雲洞詩

潘 耒



石洞肖獅口本是雲所居山僧占之住廈屋寬有餘  
雲意未忍別賦質幸清虛共住亦何礙來往成相於  
徘徊几榻間乍卷還乍舒我來值雲去餘潤猶在裾  
垂頭看下方川原綺繡如榕城十萬戶照耀日出初  
樓臺及門觀歷歷掌上臚有時片雲起大千覆須臾  
浩如泛瀛海獨立騎鯨魚茲地洵幽迴泉石亦不殊  
賴有雲變化竒態難爲書割贈諒不可僧云祇自娛

天遊觀萬峰亭

國朝 查慎行

占地既已高尤難在扼要前臨殊陡絕旁睨轉孤峭  
羣雄奉一尊奔赴不待召來時記目擊歷歷本形肖

福建續志

卷八十七

藝文十二 三

羊羣呼可起

仙羊

馬首回若掉

馬頭

象鼻垂彎環獅

頭仰軒越

象鼻獅頭二巖

鼓鐘應考憂

鼓子

龍虎答吟嘯堯

整勇士冠粧鏡神女照石笋瘦而長蓮花娟且妙到

亭悉殊狀變幻非意料初高後反匿曩隱今忽跳投

空翻白鴉削背掠蒼鷗烟生松外村竹亞崦中廟清

溪截羅帶已斷復縈繞澄泓鷗鷺池中有一翁釣流

觀飽創獲俯仰恣吟剽翻嗟神靈區僻左落遠徼竒

峰三十六名可配嵩少奈何杜韓輩足未涉閩嶠山

靈秘莫宣自古閉窳窳我來及新晴朗日相照耀終

疑雲霧窟滂勃尚埋窳幸賴此孤亭于焉踞翫翫重



遊果何時臨去屢回眺

萬石灘

查慎行

物各以類從號石數有萬波流石自止於義特取良  
憶昨經茲灘嶄巖爭自獻今看三石柱尋丈纔露寸  
一條換骨龍掉尾秋更健逡巡溯流上淹滯得無悶  
揚帆過須臾正賴長女巽舟人歸佛力剪紙酬夙願  
老夫亦欣然滿酌不待勸

龍牙灘

查慎行

乖龍竊天符喫霧南入海無端蛻鱗甲墮地幾千載  
帝將馴擾之不忍甚厥罪已令化爲石本性終未改

福建續志

卷八十七

藝文十二

三

欲遣水逆流障川作崑崙河神勿聽命蓄怒更百倍  
森然磨其牙昂首若有待舟行一不戒適抹魚鼈餒  
幸以險著名設防亦每每篙師出全力遇此愈精采  
滅頂世豈無母貽過時悔

建灘同梅定九朱字綠張青雨作

國朝

查嗣琛

初登清流船船小妨內首一龕不盈丈兀兀坐卯酉  
及經火燒灘灘淺尚難受此地昔嶮峽山根蟠地厚  
傳聞用火攻石爛洩水口一線鑿凶門乖龍滑逾吼  
榕城百水驛硯砢十八九直宜捨舟楫復事牛馬走



一笑謝長年毀車吾已久  
似磬衆灘石力聚堆一門寧知跬步間難轉石愈繁  
大者各磊落五岳分位尊小者尤縱橫八陣連雲屯  
此方昔割據局促開乾坤霸氣鬱未銷石勢猶併吞  
撫茲一長嘆恃暴安足存

積陰埋幽壑灣濶萬古黑形氣所軋成變幻謝繩墨  
位置踰人工并非造化力欲以五字詩竭意作鐫刻  
有如草間虎屢射鏃不沒安得鍊石字叱汝變五色  
石勢逞雄傑欲遣水鬱盤水從排空來鐵鎖不可攔  
千丈掣電飛雲端有時五三折陡起尺咫間

福建續志

卷八十七

藝文十二

三

兩怒各未平白晝蛟龍搏舟子力難恃應變須神完  
倒纜挽逆篙如作壁上觀決機在針鋒脫險過彈丸  
水亦自相鬪直立高於屋我舟擲水底低受浪不足  
如逢吞舟魚突過滿魚腹驚雷襍風雨眩轉失耳目  
一躍出重圍天晴山水綠

山形乍開豁灘怒似少息蕩槳聊呶啞夷猶馳腕力  
我亦攬幽賞微唸意稍適有石聲砉然忽破船底入  
水面石可防水中石難測君子慎履坦索塗須撻埴  
造舟爾何人斲木如紙薄常恐遭魚龍未足當一攫  
豈知逢擊觸善受賴柔弱百折付一招繞指霹靂作



彎環象運鼻屈曲蛇赴壑招招真吾友性命印汝托  
下水例買米上水例買鹽買米利無幾買鹽贏倍添  
利多非汝福官府禁最嚴貪心溺不戢終恐罹髡鉗  
往來各有欲輕取已不廉擇利莫若輕米賤汝勿嫌  
卅年迫饑驅生事逐游惰三挂洞庭帆七捩長江舵  
波濤滿天地性命極細瑣復登清浪船屢上章貢舸  
此間亦再到氣衰足重裹舊時驚斷魂猶疑落灘左  
誓當收拾去社門學趺坐平生浮海願從此不復果

題辦香堂圖記

國朝汪士鋐

辦香在何處千古曾南豐南豐有遺碑道山亭之中

福建續志

卷八十七

藝文十二

三

碑亦不可見亭亦爲一空鹿原好古士家在道山東  
幽尋訪遺跡褰衣蒼莽叢斷崖多題名嶽崑字畫工  
手摩再三讀感慨情何窮乃爲闢故址乃爲考新宮  
暗誦道山記一日書一通上言水陸險下言光祿功  
謂此像仙山開天鑿鴻濛登臺恣眺望城郭雲朦朧  
亭荒山亦廢斯文無兩雄誰知數百年勝事重相逢  
前賢畏後生出語羞雷同當年第一手豈讓六一翁  
請君鐫新文雙碑待磨礧更署道山長私論亦至公  
披圖當卧遊仙裾引天回

登卧龍山偶吟

國朝丁維



雲在青山外山在白雲內雲山暗蝸蚪鱗角宛脩龍  
風雨生靈光星河落平地千峰萬峰雲呼吸通全氣  
松蘿陰翳中欲具結廬勢眼界空清虛面面滴寒翠  
緬彼山之人林香吹薜荔誰爲諸葛君慷慨隆中對  
臺灣近咏呈巡使黃玉圃先生

國朝 藍鼎元

臺俗倣豪奢亂後風猶昨宴會中人產衣裘貴戚愕  
農惰士弗勤逐末趨驕惡囂陵多健訟空際見樓閣  
無賤復無貴相將事擄博所當禁制嚴威信同鋒鏑  
勿謂我言迂中心細忖度爲火莫爲水救時之良藥

福建續志

卷八十七

藝文十二

五

閩學追魯鄒東寧昧如障當爲延名儒來茲開絳帳  
俾知道在邇尊君與親上子孝及父慈友恭更廉讓  
從茲果力行誘掖端趨向其次論文章經史爲醞釀  
古作秦漢前八家當醢醬制義本儒先理明氣欲王  
洗伐去皮毛大雅是宗匠此地文風靡起衰亦所望  
臺地一年耕可餘七年食寇亂繼風災民間更蕭索  
今歲大有秋倉儲補去亟穀貴慮民饑穀賤農亦惻  
厲禁久不弛乃利於奸墨徒有遏糴名其實竟何益  
估客旣空歸裹足此寥寂何如樽節之一艘一百石  
窮年移不盡農商惠我德幸與諸當途從長一籌畫



纍纍何爲者西來偷渡人銀鑄雜貫索一隊一酸字  
嗟汝爲饑驅謂茲原隰眇舟子任無咎拮据買要津  
寧知是偷渡登岸禍及身可恨在舟子殛死不足云  
汝道經鷺島稽察司馬門司馬有印照一紙爲良民  
汝愚乃至斯我欲淚沾巾哀哉此厲禁犯者仍頻頻  
奸徒畏盤詰持照竟莫噍茲法果息奸雖寬亦宜勤  
如其或未必寧施法外仁

臺邑最褊小徵糧視鳳諸土狹賦獨重民困曷以紓  
臺灣田一甲內地十畝餘甲租八九石畝銀一錢輸  
將銀來比粟相去竟何如納粟弊多端斗斛交相瘡

福建續志

卷八十七

藝文十二

五

折色比時價加倍復何居鳳諸雖厚歛什伯臺版圖  
墾多或報少以羨補不敷臺土瘠無曠衝壓且偏枯  
安得相均勻丈輕三邑俱征收同內地含哺樂只且  
郡東萬山裏形勝羅漢門其內開平曠可容數十村  
雄踞通南北奸宄往來頻近以逋逃數議棄爲荆榛  
此地田土饒山木利斧斤移民遷產宅兵之亦斷斷  
何如設屯戍守備爲遊巡左拊岡山背右塞大武營  
旣清逸賦窟亦靖野番氛府治得屏障相需若齒唇  
諸羅千里縣內地一省同萬山倚天險諸港大海通  
廣野渾無際民番各喁喁上呼下卽應往返彌月終



不爲分縣理其患將無窮南劃虎尾溪北踞大雞籠  
設令居半線更添遊守戎健卒足一千分汛扼要衝  
臺北不空虛全郡勢自雄晏海此上策猶豫誤乃公  
又

番黎素無知渾噩近太古祇爲巧僞引訟爭亦肆侮  
睚眦動殺機其心將莫禦所幸弗聯屬社社自愚魯  
太上用夏變衣冠與居處使彼忘爲番齊民消黨羽  
其次俾畏威罔敢生乖迕無虐無令傲服勞安作苦  
恩勝卽亂階煦噓鼠爲虎所以王道平不爲矯枉補  
內山有生番可以漸而熟王化棄不收獷悍若野鹿

福建續志

卷八十七

藝文十二

三

穿箐截人首飾金誇其族自古以爲常近者乃更酷  
我民則何辜晨樵夕弗復不庭宜有征振威寧百谷  
土闢聽民趨番馴賦亦足如何計退避畫疆俾肆毒  
附界總爲斯將避及床褥

鳳山東南境有地曰瑯嶠厥澳通舟楫山後接崇爻  
寬曠兼沃行氣勢亦雄驍茲土百年後作邑不須黥  
近以險阻棄絕人長蓬蒿利在曷可絕番黎若相招  
不爲民所宅將爲賊所巢遐荒莫過問嘯聚藏鴟梟  
何如分汛弁戒備一方遙行古屯田策令彼伏莽消

拜石齋先生墓

國朝黃任



明季將板蕩盈廷乖紀綱維公起南服義勇含風霜  
國是既委靡士氣多沮傷公思力挽之勁弩千鈞張  
明體乃達用所重扶綱常是時急功利樞輔謀不臧  
公不稍寬假廷評多激昂折檻一逆鱗竄逐棲江鄉  
雷霆未息怒中外申救章遂與黨錮獄幾罹不測殃  
株連數十人我祖同琅璫大王父中允公以石齋因  
圖箋楚騷與公相訂商載之序列中考據得悉詳其  
後各賜環事勢殊倉皇大厦非一木公身與俱亡公  
留心經術為後學津梁周易與孝經大義多闡揚所  
傳十二書存大滌講堂詩歌盡散失家不什一藏曾

福建續志

卷八十七

藝文十二

七

貽我祖詩斷墨雙縑緗一字一涕泪至今留耿光豐  
碑何峩峩松楸何蒼蒼繫余添子姓匪徒梓與桑典  
型肅再拜立馬空傍徨王程迫明發蕪詞代椒漿浴  
謠北風起落日吹昏黃

咏千里叫

國朝 吳廷華

器傳千里號機巧擅竒功辨制疑橫吹呈材認卷銅  
不妨時告密最便是從戎私語喁喁處繁言嘖嘖中  
能通偏為曲無碍總因空偶已除秦法功堪破宋壘  
敢云風易過誰謂衰如充何必臧三耳相攜待發蒙

安平鎮

國朝 范昌治



臺灣何崩劣安平祇孤島兀立大海中洶浪際天杪  
鹿耳接鯤身沙線明晶晶形勝犬牙交彎環猿臂繞  
重門分界險桅檣不輕掉守上一麾來愛此屏藩好  
暇日縱扁舟望洋恣遠眺憶昔宦遊人無如東坡老  
文從海外豪光燄增竒巧固陋每自慚雕蟲先壓倒  
下車况匝月狂吟何草草所志不在詩因之寄懷抱  
私冀胸次間與海同大小百川盡傾輸萬象皆明瞭  
秋濤動山岳春波潤枯槁轉愧願難酬問心可得表  
保赤貴誠求夸浮何足道回看戍卒忙艘艣鏗齊燎  
亟命掛帆歸迅疾等飛鳥人坐畫中船水湧冰輪皎

福建續志

卷八十七

藝文十二

天

晚從安平渡海歸署

國朝 錢琦

平堤含夕景烟樹半模糊乘興晚喚渡一葉如飛鳧  
正值風色好渡海如渡湖千丈澄素練十幅掛輕蒲  
沙鯤明漁火紅影透菰蘆上亂星斗宿紛射鼉鼉居  
水氣摩盪之散作千驪珠橫空一鈎月墮入崑崙  
似欲釣六鼇驚走小鱣鯪須臾近彼岸潮退泥沙淤  
滄海幻桑田輾轉駕牛車爾時夜氣靜萬籟歸虛無  
栩栩不自覺恍惚凌仙壺歸來猶認夢好手誰繪圖  
我夙抱遊癖而爲緇塵汚翻身六合外乃得縱所如  
因悟天地大到處皆蘧廬心清境自適底用戀鄉閭



唾彼井中蛙局局徒拘墟

登鼇峰書院藏書樓

樓為大中丞儀封張公伯行建

國朝王

道

振衣躡高樓牙籤紛插架茫茫萬古心卽此啓長夜  
經訓乃蓄畚播穫寧不稼流覽古大儒蟲魚猶未卸  
石渠天祿間賈董有聲價南來此一時昌明無假借  
偉矣大中丞功接紫陽下

題藍鹿洲臺灣詩後

王道

良醫托生死夙病視所嬰俊傑救時務振刷舊所仍  
根源既在握顧盼易功成君有管葛志揣摩薄長纓

福建續志

卷八十七

藝文十二

无

安海出奇計腥穢俾永清指陳十五章一一得其情  
大都為風俗敗壞失幹植教養廢不舉番民昧天經  
方今凋敝後惟應于駿星鳩農盡地利拓地急添兵  
善後始無漏防淫法在明三復此間意眇論準賈生  
昔者元使君傑構春陵行賊退示官吏詩史有直聲  
萬物俟吐氣慙慙動少陵君才道州匹予無杜子名  
大厦願鞏固晏坐享枚寧此詩定傳後百代猶採聽

木棉庵

王道

古廟傍空山青苔蝕翠瓦徘徊見石碑監押誅奸賈

碑又云宋鄭虎臣誅賈似道于此

于時秋正深蟋蟀鳴四野撫事寧



忍聞躑躅雞豚社老翁爲予言鬼物杉松下往往哭  
黃昏有似臨刑者翁言一何癡垂誠亦太假當年誤  
國人磔殺猶當啞况乃死至今復敢爲厲也遺臭已  
無疆路人聽摹寫

隘嶺道中

國朝 熊爲霖

絕嶺當雄關扼險廼居隘控制總八閩南贛劃天界  
鎮此咽喉司泥垣洞華蓋摩空劍戟寒懸河走飛帶  
風雨奧靈區神力所盤會元氣混沌餘雷霆轉其內  
我聞啼鷓鴣林樾動天籟石棧歷九折驅車苦行邁  
屯雲翳積莽雜沓作光怪山凹峽勢尊礪堡結巖砦

福建續志

卷八十七

藝文十二

三

未雨綢繆深經畫統全概太平日和晏亭長枕清瀨  
茫茫天地寬遐擊頗云快託憇生幽心寄我烟霞外  
與介巖曹陳臬璞齋徐運使約勸農日遊鼓山  
已而璞齋以疾辭介巖約余是日雨卽不往

國朝 朱珪

一旬梅雨多四野稻水足勞農及茲辰遊山約已宿  
頗聞山靈慳戒客須不速吏事有羈勒芟涉慵厮僕  
三年官榕城未踏鼓山麓慙愧魯將軍鄙予空食肉  
高賢豈倦遊懸榻音如玉齋心敬屏翳吾志無改卜  
出南門至南禪寺勸農取道往鼓山



清晨出近郊稅駕南禪寺勤苦問父老淳厚戒子弟  
及此風雨時高下田每每無爲角鼠雀釋爾未與耜  
三年作汝牧未敢親鞭箠要令講張息一洗腐儒恥  
農夫拜官賜醇甘如酒餌揮手指雲山吾將陟高巖  
懋鼓山下院待介巖同飯

朱珪

行行阡陌間萬頃如綠波僕夫爾紆徐無躡田中禾  
方山碧可砥鼓岫雲相磨近山泉出清寺靜鐘鳴巖  
懿侯政清淨膂力方番番天花染衣履一笑傾維摩  
欣然供肴簋舉杯飲亡何茲遊得邂逅素心不在多  
洗耳逼灑澗攜手登嵯峩

福建續志

卷八十七

藝文十二

三

登山

朱珪

盤回石磴長龍噴護山骨太陰闕靈獸山鬼拱楮笏  
我行志軒豁僕喜免炎暵孤亭懋遊足漱涼鑿毛髮  
古人自不朽好事爭剗剗中凹鉢孟峰遙隱舍利窟  
迤邐入山腹虬翠更交樾晴雨隔下方光晦逼上闕  
何當竅天門青空辨海碣

湧泉寺

朱珪

招提敞山曲掬雲入僧寮靈嶠壙深潭呪水龍不驕  
伸指檻泉出菌蠢聆海潮桓桓忠懿王神宴來相招



香花供百戲聖箭通九霄沙溪避忠骨移塏凌山椒  
到今一千載支壞非一朝茲山旣名勝朱李名題標  
萬沙撒恒河誰是魁衡杓嗟余亦何爲懷古空歌謠

喝水巖

朱珪

合寺尋靈源石級下巖洞兩崖戢膠葛鬼斧試鑿空  
晏師誦其中有似牛鳴甕叱咤水倒流移湫息耳聞  
縱橫古今字後刻前或礮殉名窮巔淵爪落鴻巴爨  
安得亡是公聽笑吞雲夢

龍頭泉

朱珪

石龍吸泉脉汨汨日夜流力能沃赤日搖鬣雨十州

福建續志

卷八十七

藝文十二

三

我來坐亭檻洩霧莽不收望羊久相待霅然開遠眸  
雙江白如玦碧海環千疇酌泉烹山苻謾謾枯腸搜  
從者素紙筆請紀茲辰遊未知神靈意恐負龍公求  
險語吾不惜高譟上上頭

水雲亭

朱珪

水雲在何所逕仄眺望寬不辭苔蘚滑愛此高青攢  
石門中豁開江水低森慢恍憶鏡瓦殿垂手峰巘阮  
置身白雲外始覺天衣單徘徊雙黃鶴再舉得所觀  
沉澹足飲啄豈復期素餐

欲登劣削峰日暮不及而歸

朱珪



攝衣攀硯礮望望上劣削雲將喜東遊日車苦西昃  
天海御風濤鼓盪臨八極敞罔心淹留左右愴歸色  
子瞻宿金山亦借顛風力何如山中人誅茅自耕食  
相逢小青蓮君馬又暫勒重遊及秋清一覽扶桑艸

建溪二十四韻效昌黎體

國朝紀昀

危灘扼河心高浪齧石齒燕尾砦兩岐蝮背突中起  
嶮嶮菱蘊角磊落枰布子髮髻踞怪獸睽睨聳竒鬼  
斑痕綴螺斫曲勢走蛇虺剝削開五丁歆側容一葦  
魚蟹需干沙龜鼉良其趾山靈守何固水伯攻未已  
直下訝建鏡平吞駭摩壘百挫氣不回兩鬪力相抵

福建續志

卷八十七

藝文十二

三

砰訇裂銀山鎖碎迸珠璣雷鼓縱莫停颺輪盤詎止  
屢梗勒奔駟陡決激飛矢挨舵毫釐差觸礁分寸徙  
前礙狼跋胡後冒狐曳尾撐拄轉丸蜷繚繞旋磨蟻  
一步逾九折尺地距千里顛簸苦悸魂喧呶患聒耳  
瞬息變險夷頃刻交憂喜魚腹縱然脫虎牙劇亦幾  
天心欲奚爲地勢乃若此行者意云何睨之怖尙爾  
數舸載妻孥一擢送行李念彼蓬下人搖搖舟如紙

自延平登舟偶作

紀昀

長溪下建陽空山轉霹靂一瀉抵延平灘平波漸寂  
乃知水性柔剽悍由相激鬱怒氣莫宣酣鬪遂不釋



江河萬古流梗阻竟何益徒使不平聲日夜交衝擊  
安得巨靈胡奮掌巉巖闢百轉繞青山滌澗一綫碧

交坑夜泊

紀昀

暝色從西來亂山青莽莽灘河戒夜行薄暮收雙槳  
連朝困登陟茲夕遂偃仰飛泉樹杪來一瀉落百丈  
徹耳鳴琤琤頗使心神爽荒戍纏薜蘿孤卒友魍魎  
喜無鈺鼓音亂此環珮響夜靜人語稀沙岸自來往  
流雲漸欲破山月微微上兩月纓上塵浩歌濯潏潏

閩學源流詩

國朝張學舉

七十子而後理學晦而不明濂洛關閩獨得其

福建續志

卷八十七

藝文十二

詩

宗乃龜山崛起負道南之目朱子集厥大成彬  
彬乎閩學稱尤盛也余官於閩歲且久歷考遺  
蹟或拜其祠宇下竊幸近其居溯源尋流擬古  
詩如千首以識景仰之忱云

聖經日星炳大道江河流心傳爭一綫落落千餘秋  
清淑者間氣鬱積種彌迨韋齋本吏隱皇墳資冥搜  
大儒寶誕育中天曳瑯球講學占壇坫翼經茂功猷  
濂洛及關中大成集厥修尤溪濬靈脉洙泗來悠悠  
荒闢亮云艱南中誰先覺慨然賦北遊遠溯伊與洛  
師門風雪深久待寧中却圖疇獲秘傳陰陽從揮霍



目送神俱馳道南欣有託鼻祖永不祧龜山邈卓犖  
宄夫真畏友德器何粹然所學日精進嘉賞聞伊川  
此後人臺諫章疏聊復傳兄醉亦碩士文行共相宣  
建陽二游子俎豆儕先賢

豫章謝時榮冥心入孤詣於道常守貞在遇終未濟  
東南倡學時負笈多高弟超超離其羣寥天鶴清喚  
龜山一瓣香唯公傳弗替

新安資地高宿契行自銜及從延平遊糝漏乃屢見  
先生學平實靜坐息流眄山中數椽茅天人經研鍊  
墜緒尋遺經妙解超曩傳談道理障空辨惑狂瀾轉

福建續志

卷八十七

藝文十二

三

讀書四十年屢空頗能晏性真默與怡外境何歆羨  
我愛劉白水深窵伊洛旨荷鋤南畝間心不關亂理  
奉召原偶然忤相亦應爾拂衣歸去來生徒抱書埃  
擇壻無與倫其初遺孤委崇安與新安冰玉成雙美  
獨行不愧影獨寢不愧衾季通貽子書千古欽良箴  
佞臣嫉儒術僞學禁森森籍名多遠貶蕭寺悲分襟  
惟有啖菹客了不戚其心吾道何顯晦世運關升沉  
憂患遇恒有第顧所以臨義明志不挫識定物無侵  
真堪呼老友此外誰知音

北溪洵豪傑奮起漳江濱讀書旣云博格物靡不臻



詎問當世務力砥儒修醇晦翁振漳俗風化與維新  
仕優學寧輟誰與其晦明南來道不孤謂得一安卿  
直卿有益人思堅而志苦節甥諳特肫斯道心早許  
理學有源流滙委功良鉅病革授遺書珍重叮嚀語  
傳薪謹師承糟粕在訓詁歷官著循聲無過取懷與  
易名固積○勉齋自千古

堂堂真直院抗疏動朝端長身而廣顙所至人聚觀  
奸相嫉儒術君側寧久安中外剔弊政匡時力已殫  
晚著讀書記懇悵勤鉛丹斯文日漸滅浦城廻其瀾

西湖雜興

五言古限湖字

國朝

王應元

福建續志

卷八十七

藝文十二

三

開化闢真境山光乍有無昔日水晶宮環珮響玉珠  
王氣今已盡斷碣卧平蕪可憐故殿閣滿地生白蘆  
鐘聲度過雨暮色起沙鳧青青岼畔草泛泛水中蒲  
烟波一何渺立馬空踟躕繁華久消歇寒葉飄高梧  
島嶼啣疊翠綠楊摧復枯瀲灩漾古堞西山日已晡  
獨有天邊月夜夜照西湖

香山玉女峰

莊九畹

女史

大地本鍾靈蘊此層巒秀乍來異域珍竟體竒芬透  
螺黛逞脩姿岼峯含皴皴磨崖泐篆文古勁逼斯籀  
宛如玉女峰亭亭接邂逅虹橋宴曾孫誰言不可又



窈窕影珊珊仙娥飄舞袖位置几席間香清骨亦瘦  
視沼墨雲蒸吐納天然湊旖旎靜含芳安得如君壽

建續志卷八十七

終

建續志

卷八十七

藝文十二

三